

醫統三脈全書



補注黃帝內經素問卷第十五

啟玄子次注林億孫奇高保衡等奉敕校正孫兆重改誤

皮部論

經絡論

氣穴論

氣府論

皮部論篇第五十六

新校正云按全元起本在第二卷

黃帝問曰余聞皮有分部脈有經紀筋有結絡骨有度量其所生病各異別其分部左右上下陰陽所在病之始終願聞其道岐伯對曰欲知皮部以經脈爲紀者諸經皆然

循經脈行止所主則皮部可知諸經謂十二經脈也十二經脈皆同

陽明之陽名

曰害蜚

蜚生化也害殺氣也殺氣行則生化弭故曰害蜚

上下同法視其部中

有浮絡者皆陽明之絡也

上謂手陽明下謂足陽明也

其色多青則

痛多黑則痹黃赤則熱多白則寒五色皆見則寒熱也

絡盛則入客於經陽主外陰主內

陽謂陽絡陰謂陰絡此通言之也手足身

分所見經絡皆然

少陽之陽名曰樞持

樞謂樞要持謂執持

上下同法視

其部中有浮絡者皆少陽之絡也絡盛則入客於經故

在陽者主內在陰者主出以滲於內諸經皆然太陽之

陽名曰關樞

關司外動以靜鎮爲事如樞之運則氣和平也

上下同法視其部

中有浮絡者皆太陽之絡也絡盛則入客於經少陰之

陰名曰樞儒

儒順也守要而順陰陽開闔之用

上下同

法視其部中有浮絡者皆少陰之絡也絡盛則入客於

經其入經也從陽部注於經其出者從陰內注於骨心

主之陰名曰害肩

心主脈入掖下氣不和則妨害肩掖之動運

上下同法視

其部中有浮絡者皆心主之絡也絡盛則入客於經太

陰之陰名曰關蟄

關閉蟄類使順行藏

新

上下同法

視其部中有浮絡者皆太陰之絡也絡盛則入客於經

部皆謂本經絡之所部分浮謂浮見也

凡十二經絡脈者皮之部也

列陰陽位

部主於皮故曰皮之部也

是故百病之始生也必先於皮毛邪中之

則腠理開開則入客於絡脈留而不去傳入於經留而

不去傳入於府廩於腸胃

廩積也聚也

邪之始入於皮也泝

然起毫毛開腠理

泝然惡寒也起謂毛起豎也腠理皆謂皮空及文理也

其入於

絡也則絡脈盛色變

盛謂盛滿變謂易其常也

其入客於經也則感

虛乃陷下

經虛邪入故曰感虛脈虛氣少故陷下也

其留於筋骨之間寒多

則筋攣骨痛熱多則筋弛骨消肉爍腠破毛直而敗

急攣

也弛緩也消爍也鍼經曰寒則筋急熱則筋緩寒勝爲痛熱勝爲氣消腠者肉之標故肉消則腠破毛直而敗

也帝曰夫子言皮之十二部其生病皆何如歧伯曰皮

者脈之部也

脈氣留行各有陰陽氣隨經所過而部主之故云脈之部

邪客於皮則

腠理開開則邪入客於絡脈絡脈滿則注於經脈經脈

滿則入舍於府藏也故皮者有分部不與而生大病也

脈行皮中各有部分脈受邪氣隨則病生非由皮氣而
能生也 新校正云按甲乙經不與作不愈全元起本

作不與元起云氣不與經脈和調則帝曰善
氣傷於外邪流入於內必生大病也

經絡論篇第五十七
新校正云按全元起本在皮部論末王氏分

黃帝問曰夫絡脈之見也其五色各異青黃赤白黑不

同其故何也岐伯對曰經有常色而絡無常變也
經行氣故

色見常應於絡絡主血帝曰經之常色何如岐伯曰心
故受邪則變而不一矣

赤肺白肝青脾黃腎黑皆亦應其經脈之色也帝曰絡

之陰陽亦應其經乎岐伯曰陰絡之色應其經陽絡之

色變無常隨四時而行也

順四時氣化之行止

寒多則凝泣凝泣

則青黑熱多則淖澤淖澤則黃赤此皆常色謂之無病

五色具見者謂之寒熱

淖澤也澤潤液也謂微溼潤也

帝曰善

氣穴論篇第五十八

新校正云按全元起本在第二卷

黃帝問曰余聞氣穴三百六十五以應一歲未知其所

願卒聞之岐伯稽首再拜對曰窘乎哉問也其非聖帝

孰能窮其道焉因請溢意盡言其處

孰誰也

帝捧手逡巡

而卻曰夫子之開余道也目未見其處耳未聞其數而

目以明耳以聰矣

目以明耳以聰言心志通明迴如意也

岐伯曰此所謂

聖人易語良馬易御也帝曰余非聖人之易語也世言

真數開人意今余所訪問者真數發蒙解惑未足以論

也

開氣穴真數庶將解彼蒙昧之疑惑未足以論述深微之意也

然余願聞夫子溢志

盡言其處令解其意請藏之金匱不敢復出

言其處謂穴俞處所

岐伯再拜而起曰臣請言之背與心相控而痛所治天

突與十椎及上紀

天突在頸結喉下同身寸之四寸中夾宛宛中陰維任脈之會低鍼取之

刺可入同身寸之一寸留七呼若灸者可灸三壯按今

甲乙經經脈流注孔穴圖經當脊十椎下並無穴目恐

是七椎也此則督脈氣所主之上紀之處次如下

說新校正云按甲乙經云天突在結喉下五寸上紀

者胃脘也謂中脘也中脘者胃募也在上脘下同身寸之一寸居心蔽骨與齊之中手太陽少陽足

陽明三脈所生任脈氣所發也刺可入同身寸之一寸

二分若灸者可灸七壯新校正云按甲乙經云任脈

之會也下紀者關元也關元者少陽募也在齊下同身寸之三寸足三陰任脈之會刺可入

也同身寸之二寸留七背胛邪繫陰陽左右如此其病前

呼若灸者可灸七壯

後痛滿胛脅痛而不得息不得臥上氣短氣偏痛新校正云

按別本偏脈滿起斜出尻脈絡胛脅支心貫鬲上肩加

一作滿

天突斜下肩交十椎下尋此支絡脈流注病形證悉是

絡脅支心貫鬲上加天突斜之肩而下交於十椎新

校正云詳自背與心相控而痛至此疑是骨空論文簡

脫誤藏謂五藏肝心脾肺腎非兼四形藏

於此藏俞五十穴也俞謂井榮俞經合非背俞也然井

榮俞經合者脈之井者大敦也榮行間也俞大衝也經
中封也合曲泉也大敦在足大指端去爪甲角如韭葉
及三毛之中足厥陰脈之所出也刺可入同身寸之三
分留十呼若灸者可灸三壯行間在足大指之間脈動
應手陷者中足厥陰脈之所流也新校正云按甲乙
經留作流餘所流並作留刺可入同身寸之六分留
十呼若灸者可灸三壯太衝在足大指本節後同身寸
之二寸陷者中新校正云按刺腰痛注云本節後內
間同身寸之二寸陷者中動脈應手足厥陰脈之所
注也刺可入同身寸之三分留十呼若灸者可灸三壯
中封在足內踝前同身寸之一寸半新校正云按甲
乙經云一寸陷者中仰足而取之伸足乃得之足厥
陰脈之所行也刺可入同身寸之四分留七呼若灸者
可灸三壯曲泉在膝內輔骨下大筋上小筋下陷者中
屈膝而得之足厥陰脈之所入也刺可入同身寸之六
分留七呼若灸者可灸三壯心包之井者中衝也榮勞
宮也俞大陵也經間使也合曲澤也中衝在手中指之
端去爪甲角如韭葉陷者中手心主脈之所出也刺可

入同身寸之一分留三呼若灸者可灸一壯勞宮在掌中央動脈手心主脈之所流也刺可入同身寸之三分留六呼若灸者可灸三壯大陵在掌後骨兩筋間陷者中手心主脈之所注也刺可入同身寸之六分留七呼若灸者可灸三壯間使在掌後同身寸之三寸兩筋閒陷者中手心主脈之所行也刺可入同身寸之六分留七呼若灸者可灸七壯新校正云按甲乙經云灸三壯曲澤在肘內廉下陷者中屈肘而得之手心主脈之所入也刺可入同身寸之三分留七呼若灸者可灸三壯脾之井者隱白也禁大都也俞大白也經商丘也合陰陵泉也隱白在足大指之端內側去爪甲角如韭葉足太陰脈之所出也刺可入同身寸之一分留三呼若灸者可灸三壯大都在足大指本節後陷者中足太陰脈之所流也刺可入同身寸之三分留七呼若灸者可灸三壯太白在足內側核骨下陷者中足太陰脈之所注也刺可入同身寸之三分留七呼若灸者可灸三壯商丘在足內踝下微前陷者中足太陰脈之所行也刺可入同身寸之四分留七呼若灸者可灸三壯陰陵

泉在膝下內側輔骨下陷者中伸足乃得之足太陰脈之所入也刺可入同身寸之五分留七呼若灸者可灸三壯肺之井者少商也滎魚際也俞大淵也經經渠也合尺澤也少商在手大指之端內側去爪甲角如韭葉手太陰脈之所出也刺可入同身寸之一分留一呼若灸者可灸三壯新校正云按甲乙經作一壯魚際在手大指本節後內側散脈手太陰脈之所流也刺可入同身寸之二分留三呼若灸者可灸三壯大淵在掌後陷者中手太陰脈之所注也刺可入同身寸之二分留二呼若灸者可灸三壯經渠在寸口陷者中手太陰脈之所行也刺可入同身寸之三分留三呼不可灸傷人神明尺澤在肘中約上動脈手太陰脈之所入也刺可入同身寸之三分留三呼若灸者可灸三壯腎之井者涌泉也滎然谷也俞大谿也經復溜也新校正云按甲乙經溜作留餘復溜字並同合陰谷也涌泉在足心陷者中屈足捲指宛宛中足少陰脈之所出也刺可入同身寸之三分留三呼若灸者可灸三壯然谷在足內踝前起大骨下陷者中足少陰脈之所流也刺可

入同身寸之三分留三呼若灸者可灸三壯刺此多見
血令人立饑欲食太谿在足內踝後跟骨上動脈陷者
中足少陰脈之所注也刺可入同身寸之三分留七呼
若灸者可灸三壯復溜在足內踝上同身寸之二寸陷
者中 新校正云按刺腰痛篇注云在內踝後上二寸
動脈 足少陰脈之所行也刺可入同身寸之三分留
三呼若灸者可灸五壯陰谷在膝下內輔骨之後大筋
之下小筋之上按之應手屈膝而得之足少陰脈之所
入也刺可入同身寸之四分若灸者可灸三壯如是五
藏之俞藏各五穴則二十五俞以左右脈具而言之則
五十 府俞七十二穴 府謂六府非兼九形府也俞亦謂
穴 井榮俞原經合非背俞也肝之府
膽膽之井者竅陰也榮俠谿也俞臨泣也原中虛也經
陽輔也合陽陵泉也竅陰在足小指次指之端去爪甲
角如韭葉足少陽脈之所出也刺可入同身寸之一分
留一呼 新校正云按甲乙經作三呼 若灸者可灸
三壯俠谿在足小指次指歧骨間本節前陷者中足少
陽脈之所流刺可入同身寸之三分留三呼若灸者可

灸三壯臨泣在足小指次指本節後閱陷者中去俠谿
同身寸之一寸半足少陽脈之所注也刺可入同身寸
之三分新校正云按甲乙經作二分留五呼若灸
者可灸三壯邱虛在足外踝下如前陷者中去臨泣同
身寸之三寸足少陽脈之所過也刺可入同身寸之五
分留七呼若灸者可灸三壯陽輔在足外踝上新校
正云按甲乙經云外踝上四寸輔骨前寸骨之端如
前同身寸之三分所去邱虛同身寸之七寸足少陽脈
之所行也刺可入同身寸之五分留七呼若灸者可灸
三壯陽陵泉在膝下同身寸之一寸肱外廉陷者中足
少陽脈之所入也刺可入同身寸之六分留十呼若灸
者可灸三壯脾之府胃胃之井者厲兌也榮內庭也俞
陷谷也原衝陽也經解谿也合三里也厲兌在足大指
次指之端去爪甲角如韭葉足陽明脈之所出也刺可
入同身寸之一分留一呼若灸者可灸一壯內庭在足
大指次指外間陷者中足陽明脈之所流也刺可入同
身寸之三分留十呼新校正云按甲乙經云作二十
呼若灸者可灸三壯陷谷在足大指次指外間本節

後陷者中去內庭同身寸之二寸足陽明脈之所注也
刺可入同身寸之五分留七呼若灸者可灸三壯衝陽
在足跗上同身寸之五寸骨閒動脈上去陷谷同身寸
之三寸足陽明脈之所過也刺可入同身寸之三分留
十呼若灸者可灸三壯解谿在衝陽後同身寸之二寸
半新校正云按甲乙經作一寸半刺瘡注作三寸半
素問二注不同當從甲乙經之說腕上陷者中足陽
明脈之所行也刺可入同身寸之五分留五呼若灸者
可灸三壯三里在膝下同身寸之三寸胫骨外廉兩筋
肉分閒足陽明脈之所入也刺可入同身寸之一寸留
七呼若灸者可灸三壯肺之府大腸大腸之井者商陽
也榮二閒也俞三閒也原合谷也經陽谿也合曲池也
商陽在手大指次指內側去爪甲角如韭葉手陽明脈
之所出也刺可入同身寸之一分留一呼若灸者可灸
三壯二閒在手大指次指本節前內側陷者中手陽明
脈之所流也刺可入同身寸之三分留六呼若灸者可
灸三壯三閒在手大指次指本節後內側陷者中手陽
明脈之所注也刺可入同身寸之三分留三呼若灸者

可灸三壯合谷在手大指次指歧骨之閒手陽明脈之所過也刺可入同身寸之三分留六呼若灸者可灸三壯陽谿在腕中上側兩筋閒陷者中手陽明脈之所行也刺可入同身寸之三分留七呼若灸者可灸三壯曲池在肘外輔屈肘兩骨之中手陽明脈之所入也以手按胷取之刺可入同身寸之五分留七呼若灸者可灸三壯心之府小腸小腸之井者少澤也榮前谷也俞後谿也原腕骨也經陽谷也合少海也少澤在手小指之端去爪甲下同身寸之一分陷者中手太陽脈之所出也刺可入同身寸之一分留二呼若灸者可灸一壯前谷在手小指外側本節前陷者中手太陽脈之所流也刺可入同身寸之一分留三呼若灸者可灸三壯後谿在手小指外側本節後陷者中手太陽脈之所注也刺可入同身寸之一分留二呼若灸者可灸一壯腕骨在手外側腕前起骨下陷者中手太陽脈之所過也刺可入同身寸之二分留三呼若灸者可灸三壯陽谷在手外側腕中銳骨之下陷者中手太陽脈之所行也刺可入同身寸之二分留三呼

新校正云按甲乙經作二

呼若灸者可灸三壯少海在肘內大骨外去肘端同
 身寸之五分陷者中屈肘乃得之手大陽脈之所入也
 刺可入同身寸之二分留七呼若灸者可灸五壯心包
 之府三焦三焦之井者關衝也榮液門也俞中渚也原
 陽池也經支溝也合天井也關衝在手小指次指之端
 去爪甲角如韭葉手少陽脈之所出也刺可入同身寸
 之一分留三呼若灸者可灸三壯液門在手小指次指
 間陷者中手少陽脈之所流也刺可入同身寸之二分
 若灸者可灸三壯中渚在手小指次指本節後間陷者
 中手少陽脈之所注也刺可入同身寸之二分留三呼
 若灸者可灸三壯陽池在手表腕上陷者中手少陽脈
 之所過也刺可入同身寸之二分留六呼若灸者可灸
 三壯支溝在腕後同身寸之三寸兩骨之間陷者中手
 少陽脈之所行也刺可入同身寸之二分留七呼若灸
 者可灸三壯天井在肘外大骨之後同身寸之一寸兩
 筋間陷者中屈肘得之手少陽脈之所入也刺可入同
 身寸之一寸留七呼若灸者可灸三壯腎之府膀胱膀
 胱之井者至陰也榮通谷也俞束骨也原京骨也經崑